



**UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI**

RAIFFEISEN BANKA

Sjedište: Banja Luka 78000

ž.r. 1610450036820073

I. G. Kovačića 139b

e-mail: nnisic@spinter.net tel/fax 051/380-738

www.starastednjabh.org

UPRAVNI ODBOR

Broj: 1602/11

Banja Luka, 21.05.2011.

SAOPŠTENJE ZA JAVNOST - POZIV NA SARADNJU

Udruženje građana za povrat stare devizne štednje u Bosni i Hercegovini i dijaspori, u skladu sa svojim programskim opredjeljenjem nastavlja sa borbom za ostvarivanje prava vlasnika stare devizne štednje na njihovu imovinu, pošteno zaradenu i oporezovanu, deviznu štednju. Nastavljamo borbu da se raskrinkaju i privedu pravdi svi koji su uprljali ruke i obogatili se mahinacijama ili direktnom krađom našeg novca. Nastavljamo borbu protiv kriminala i korupcije uopšte, kao najvećeg zla i zaraze koja je duboko inficirala strukture vlasti u Bosni i Hercegovini i prijeti da trajno zaustavi tranziciju u demokratsko društvo i do besmisla blokira proces integracija u Evropsku uniju.

Posebno se obraćamo članovima Udruženja u dijaspori, jer, na žalost izvjestan broj naših članova u Bosni i Hercegovini podliježe uticajima lokalnih političkih moćnika iz korumpirane vlasti i nisu bili spremni da istraju na principijelnoj podršci Udruženju u pravnoj, ali i političkoj borbi u interesu svih vlasnika stare devizne štednje. Obraćamo se dijaspori svjesni da je otvoreno pitanje stare devizne štednje glavni razlog da Bosne i Hercegovina, iako zemlja sa ubjedljivo najvećim brojem njenih građana u inostranstvu u odnosu na ukupan broj stanovnika u zemlji, nema ministarstvo za dijasporu niti bilo kakvu drugu sličnu službu na bilo kojem nivou vlasti.

Pisma podrške iz Evropske komisije koje je na ime predsjednika udruženja stiglo iz Kabineta gospodina Barosa i isto tako pismo od Generalnog sekretara Savjeta Evrope Terry Devisa daju nam za pravo da računamo na njih sve dok ne dobijemo naš novac ili na neki drugi pravičan način rješimo pitanje stare devizne štednje.

U saradnji sa Helsinškim odborom za ljudska prava započeli smo pregovore o poslovnoj saradnji sa Advokatskom kancelarijom Stojanović iz Bijeljine. U pitnju je tim advokata i pravnih stručnjaka na čelu sa Miodragom Stojanovićem, koji je još 1983. godine završio postdiplomski studij iz oblasti međunarodnog prava, a u advokatskoj praksi iza sebe imaju veliko respektabilno iskustvo, kako pred domaćim, tako i pred međunarodnim i sudovima svih nivoa u regionu. U fazi smo zaključivanja ugovora o poslovnoj saradnji.

Već smo postigli punu saglasnost o pokretanju postupka u kome bi se raskrinkala velika prevara predstavnika Bosne i Hercegovne: Monike Mijić -

pravobranilac, Zikreta Ibrahimović - zamjenik, Biljana Kujundžić - pomoćnik, Aleksandar Džombić - ministar finansija RS, Dragana Aleksić - zamjenik ministra RS, Tihomir Čurak - zamjenik ministra finansija Federacije BiH, Ezher Kubat - savjetnik, Mate Lučić - savjetnik i Milan Dupor - bivši pravobranilac BiH, koji su u postupku pred Evropskim sudom za ljudska prava u Strazburu u postupku Suljagić protiv BiH besramno slagali da vlasnici stare devizne štednje traže zatezne i ugovorne kamate, nematerijalnu štetu te da će to dovesti do bankrota države. Naš princip je oduvijek bio da vlasnici stare devizne štednje starom deviznom štednjom plaćaju gradsko građevinsko zemljište, građevinske dozvole, stanove i poslovne prostore u državnoj svojini, građevinski materijal, pa čak plaćaju korištenje ili kupuju neobrađeno poljoprivredno zemljište, kupuju lijekove i plaćaju troškove liječenja. Sve ovo su mjere podsticanja privrednog razvoja i bržeg zapošljavanja i veoma brzo bi Bosna i Hercegovina osjetila pozitivne efekte ulaganja i razvoja zasnovanog na navedenim principima. Suludo je, ali i drski bezobrazluk nas koji smo nebrojeno puta dokazali patriotizam optuživati kao prijetnju bankrotu države, a i sama štednja u Bosni i Hercegovini, a ne u bankama na zapadu, je bila patriotski čin. Impozantno je da su se predstavnici Republike Srpske, jaki tim, lažno predstavljali kako bi ostavili što jači utisak u cilju odbrane Bosne i Hercegovine, što i nije prioritet u programu političke partije koju predstavljaju. Da li su branili Bosnu i Hercegovinu ili svoje prljave poslove.

Zakon o izmjenama i dopunama Zakona o izmirenju stare devizne štednje koji je Predstavnički dom Parlamentarne skupštine BiH usvojio 18.09.2006. godine je krunski dokaz o laži i velikoj prevari. Tekst tog zakona je imao punu podršku svih organa Udruženja.

Nastavićemo i ažurirati postupke u vezi sa štednjom kod Ljubljanske banke dd Ljubljana i Investbanke ad Beograd. Pokrenućemo inicijativu za formiranje ministarstva za dijasporu.

Planiramo da sa našim problemima upoznamo parlamentarce u Skupštini Evropske unije Parlamentarnoj skupštini Savjeta Evrope. Valjda smo u stanju obezbjediti da se nekoliko hiljada vlasnika stare devizne štednje okupi u vrijeme njihovih zasjedanja u Strazburu, odnosno Briselu. Zajedno sa Evropskom komisijom u ozbiljnoj i istinskoj reviziji privatizacije, poništićemo privatizaciju koju su izvršili tajkuni tuđom deviznom štednjom. Imamo depobitne dokaze da je u privatizaciji državne imovine korišteno duplo više stare devizne štednje nego što je stvarno bilo. U pitanju je pljačka vrijednosti nekoliko milijardi KM.

Ovo Udruženje je suočeno sa akutnim problemom zabrane pristupa medijima u Bosni i Hercegovini. Čak se i oni mediji koji nisu pod apsolutnom kontrolom vladajućeg režima ne usuđuju pozvati nas u svoje emisije ili objavljivati naša saopštenja. Ma kako to izgledalo mi smo bliže cilju nego što se to na prvi pogled čini.

Za Upravni odbor

Predsjednik

Svetozar Nišić

